

unicef 

untuk setiap
kanak-kanak



Laporan Tahunan UNICEF Malaysia 2023

Anda telah melindungi senyuman setiap kanak-kanak, terima kasih.


Kami ingin merakamkan setinggi-tinggi penghargaan dan terima kasih atas sokongan anda yang tidak berbelah-bahagi. Sumbangan ikhlas anda telah memberi manfaat buat jutaan kanak-kanak dan keluarga mereka di seluruh dunia.

Banyak perubahan yang telah kita lakukan pada tahun 2023 dan semua ini tidak mungkin terjadi tanpa sokongan jitu anda. Bersama-sama, ayuh kita terus melakarkan lebih banyak perubahan positif buat lebih ramai kanak-kanak.

Kredit foto: Afiq bin Sharkawi (16), Selangor. UNICEF #PictureMyRights 2023.

Sumbangan anda telah melakukan perubahan yang besar dalam kehidupan kanak-kanak.

Jutaan terima kasih kami ucapkan atas sumbangan anda. Dana sebanyak RM 96.1 juta telah berjaya diraih pada tahun 2023 dan ianya telah mengubah kehidupan jutaan kanak-kanak di Malaysia dan seluruh dunia.



Bekalan yang dihantar untuk kelangsungan hidup kanak-kanak.

Dengan sokongan anda dan dengan kerjasama para penyokong di seluruh dunia, kami telah menghantar bekalan dan perkhidmatan yang berjumlah RM 24.9 bilion (USD 5.244 bilion) untuk kanak-kanak di 162 buah negara dan wilayah pada tahun 2023.

2.790 bilion

dos vaksin kepada 105 buah negara, cukup untuk menjangkau 45 peratus kanak-kanak di bawah umur 5 tahun di dunia

2.4 juta

beg gelas ke 24 buah negara

38.7

juta USD

dibelanjakan dalam membekalkan peralatan IT untuk tujuan pendidikan ke 11 buah negara

Peranti sokongan pernafasan

bernilai **11.4 juta USD** ke 55 buah negara



1.225

bilion tablet penulenan air ke 53 buah negara, cukup untuk merawat 26.5 bilion liter air



1.1 bilion

sachet makanan terapeutik sedia untuk digunakan ke 75 buah negara

13.4 juta

kelambu insektisida tahan lama ke 32 buah negara

9,006 Khemah

Berprestasi Tinggi ke 58 buah negara



Memerangi obesiti di kalangan kanak-kanak di Malaysia

Satu daripada tiga kanak-kanak berumur 5 - 17 tahun di Malaysia mengalami masalah berat badan berlebihan, terutamanya disebabkan oleh diet yang tidak seimbang. Ketidaksamaan ekonomi, tabiat hidup dan akses mudah kepada makanan tidak sihat memburukkan lagi keadaan.

Sehubungan dengan itu, Kementerian Kesihatan dan UNICEF sedang merintis **program C-HAT (Cara Hidup Anda Terbaik)** untuk memerangi obesiti kanak-kanak. Inisiatif ini **menggalakkan tabiat pemakanan yang sihat dan menggalakkan peningkatan aktiviti fizikal** di kalangan mereka. Kini aktif di 49 sekolah di 10 negeri, program ini **membantu 2,300 kanak-kanak berumur 7 - 12 tahun**. Ini menandakan satu langkah penting ke arah menjamin masa depan yang lebih sihat untuk anak-anak kita.



Meningkatkan literasi digital untuk kanak-kanak terpinggir di Malaysia

Inisiatif 'Future Skills for All' (FS4A), dengan rakan kongsi seperti Google, Microsoft dan Apple, **telah melibatkan 47,750 pelajar dan guru di 3,740 sekolah**. Program ini membantu meningkatkan kemahiran digital dalam kalangan kanak-kanak terpinggir. Inisiatif ini diharapkan dapat memberi golongan pelajar kemahiran yang berguna untuk masa depan mereka.

FS4A ialah platform pendidikan digital yang diwujudkan untuk menyokong Kementerian Pendidikan Malaysia melalui Inisiatif 'Digital Educational Learning Initiative Malaysia' (DELIMa).



Peranan penting pekerja sosial dalam menyokong kanak-kanak rentan

Dibangunkan bersama 'Malaysian Association of Social Workers' (Persatuan Pekerja Sosial Malaysia) Kempen 'Heroes Among Us' menyoroti **peranan penting pekerja sosial dalam menangani penderaan kanak-kanak, pengabaian dan keganasan. Kempen ini mencapai jangkauan dan liputan media yang meluas:**

Melibatkan
3.6 juta orang
melalui media sosial.

Menjana **23 artikel**
akhbar dan pelbagai
wawancara radio dan TV.

Usaha ini diharap dapat mempertingkatkan advokasi penting dalam membantu membuka jalan kepada Rang Undang-Undang Profesion Kerja Sosial, yang bertujuan untuk memformalkan dan mengiktiraf profesion kerja sosial.



© UNICEF Malaysia/2023/Fara Zahri



Saksikan siapakah
'Heroes Among Us'?

Memperkasakan belia di pentas diskusi iklim dunia

UNICEF mengetengahkan golongan muda ke pentas diskusi tindakan iklim di Malaysia dan global. Inisiatif ini bertujuan untuk memperluaskan kapasiti golongan belia, melibatkan mereka secara aktif dalam perbincangan iklim global dan proses membuat keputusan. Berikut adalah antara yang telah di capai:

Penglibatan Global

Memberi tumpuan kepada belia pada acara iklim utama seperti Minggu Iklim Asia Pasifik, COP28, dan semakan pertengahan penggal Kerangka Kerja Sendai untuk Pengurangan Risiko Bencana 2015-2030.

Pemeriksaan Belia

Memperkukuh kemahiran kepimpinan dan advokasi 4,600 orang muda, terdiri daripada 1,500 belia dan 3,100 remaja.



© UNICEF Malaysia/2023/Jasmin

Hari Kanak-Kanak Sedunia

Hari Kanak-Kanak Sedunia, yang disambut setiap tahun pada 20 November, memberi perhatian kepada cabaran yang memberi kesan kepada kehidupan kanak-kanak dan memperjuangkan hak mereka. Pada tahun 2023, kami menganjurkan pelbagai acara untuk memperingati hari penting ini.

Kanak-kanak berpeluang menyaksikan sidang parlimen secara langsung di Dewan Rakyat dan berdiskusi dengan ahli Parlimen Malaysia, memastikan suara mereka didengari. Foto pemenang daripada peraduan fotografi #PictureMyRights, yang memaparkan perspektif golongan muda tentang hak kanak-kanak turut dipamerkan di Parlimen.



Tonton sorotan di Parlimen Malaysia



@UNICEF Malaysia/2023



@Johor Southern Tigers

Satu lagi inisiatif penting ialah **klinik bola sepak 'Kick for Inclusion'**, di mana kami telah berganding bahu dengan Kelab Bola Sepak Johor Darul Ta'zim. Dalam program ini, **70 orang kanak-kanak termasuk mereka yang kurang upaya, berusia dari 7 hingga 17 tahun telah mengambil bahagian.**

Jurulatih belia terlatih dari Akademi JDT mengetuai sesi ini, mereka menekankan kepentingan dalam memastikan semua kanak-kanak dapat bersukan dan memupuk semangat kerja berpasukan.



Saksikan bakat muda beraksi di KICK FOR INCLUSION

Gempa bumi Türkiye-Syria

Berikutan gempa bumi yang dahsyat di Türkiye dan Syria pada Februari 2023, jutaan kanak-kanak telah terkesan akibat bencana ini. Dengan sokongan anda, pasukan kami di lapangan dapat bertindak dengan pantas, memberikan bantuan penting seperti air bersih, kit kebersihan, vaksin, sokongan psikososial dan pusat pembelajaran sementara kepada 5.6 juta orang. Antara bekalan dan servis yang telah diberikan ialah:



© UNICEF/UN0793716/Karacan



© UNICEF/UNI437345/Hazori



Tonton kisah Jameel, salah seorang mangsa gempa bumi



Seramai **3.3 juta** orang telah mendapat bekalan air bersih untuk diminum dan kegunaan harian.



Memastikan hampir **700,000** kanak-kanak dan wanita menerima penjagaan kesihatan.



Membantu lebih **550,000** kanak-kanak dalam mengakses pendidikan, termasuk pembelajaran awal.



Menyaring lebih **400,000** kanak-kanak berumur **6 bulan - 5 tahun** untuk malnutrisi.



Menyediakan sokongan kesihatan mental dan psikososial kepada hampir **400,000** kanak-kanak, remaja dan penjaga.



Kanak-kanak memerlukan gencatan senjata sekarang!

Rayuan Krisis Kanak-Kanak Gaza

Di Gaza, ribuan kanak-kanak berada dalam bahaya di tengah-tengah serangan udara. Penyampaian bantuan adalah sangat penting buat mereka. Terima kasih di atas sumbangan anda, bekalan penting dapat di hantar walaupun menghadapi pelbagai cabaran. Berikut adalah antara bekalan yang telah berjaya sampai kepada mereka yang memerlukan dan masih banyak lagi yang sedang sedia untuk di hantar.



Menyediakan makanan khusus yang kaya dengan nutrien kepada **36,866** kanak-kanak dan **5,962** bayi serta **21,000** wanita hamil.



Membantu **609,000** orang melalui penghantaran bekalan perubatan.



Pembekalan lebih **1 juta** dos vaksin dan peralatan imunisasi.



Membekalkan **245,035** liter bahan api, membolehkan telaga air dan loji penyahgaraman menghasilkan air bersih untuk lebih **1.6** juta orang.



Membekalkan **160,205** kanak-kanak dengan barangan musim sejuk.



Menyediakan lebih **164,000** pelajar dan guru dengan bantuan psikososial, pembelajaran kecemasan, bekalan dan aktiviti rekreasi.

**United Nations Children's Fund
Malaysia Country Office**

Menara PJH, Level 10, No. 2
Jalan Tun Abdul Razak, Precinct 2
62100 Putrajaya, MALAYSIA

Talian khidmat penderma: 1300 300 010

✉ donorcare.my@support.unicef.org

🌐 unicef.org/malaysia

📘 unicef.malaysia

✂ [myunicef](https://www.myunicef.org)  [unicefmalaysia](https://www.instagram.com/unicefmalaysia)

 [UNICEF Malaysia](https://www.linkedin.com/company/unicef-malaysia)